



Газет 2001-йисан  
ноябрдилай акъатзава

РД - дин Докъузпара райондин общественно-политический газет.  
Общественно-политическая газета Докузпаринского района РД.

# Эренлардин СЕС

№22 (796) 31-Май, арбе, 2017-йис. Почтамтдай зур йисан къимет - 226 манат

## Рамазан вацраз талукъ яз «Докъузпара район» МО-дин къил К.С. Абасован тебрик

Гьурметлу стхаяр ва вахар! Квез дуйнядин мусурманри кыле тухузвай сад тир Сив хуьнин варз мубаракрай! Аллагъдин ферз алай и вацран истемишунар кылиз акъудзавайбурун ва садакьяар гузвайбурун къени крар Аллагъди къабулрай.

Рамазан варз – им регимлувал, сабурувал ва инсанвилдин гьиссер къалурзавай варз я. И варз гьахълувилдин ва берекатлувилдинди хьиз, инсандиз вичин диндал мягъкем жедай мумкинвал гузвайди хьизни малум я. Чун патал Рамазан варз руьгъдин михьивал, Аллагъ рази жедай к'валахар авунал ва гунагъар михьи хьунал кыле фирай. Рамазан вацра чна къазанмишай гьар са хьсанвал неинки йис тирвал ва гьаг' чна гележегдин уьмуьрдани чна хуьдайдак умудлу я.

Гьурметлу районэгълияр! Куь фикирар экуь хьурай, зегьметда квехъ агалкъунар хьурай. Сагъламвални – мягъкем. Гьар са карда квез Аллагъ куьмек хьурай! Амин.



## Мугъманар къабулна

29-майдиз Докъузпара райондин администрациядин заседанийрин залда Дагъустандал Чечня республикадин терефдихъай муждународный террористри гьужум авурдалай инихъ 18 йис хьуниз талукъарнавай совещание кыле фена.

Къейд ийин, и юкъуз Докъузпарадиз Махачкъалада генерал-майор, Дагъустандин «Интербригада» общественный тешкилатдин командующий Шамил

Асланов, гьа и тешкилатдин член, ДГТУ-дин проректор Мегъамеднаби Азаев, полковник Маркс Жанаев, «Интербригада» тешкилатдин советдин председатель Абубакар Къурбанисмаилов, «Горзаказ» МКУ-дин директор Мадер Къанберов атанвай.

Сифте гаф рахуналди, совещание муниципальный райондин къил Керимхан Абасова ачухна.

- Гьурметлу дустар! Бандитри

чи республикадал гьужум авур а мусибатдин, къал-къиждин йикъар виридан рикел алама. Акьалт'ай вагъшивилин абурун гьерекатар, Буйнакский райондин хуьрера обществодик къал кутадай чпин члуру къайдаяр туналди, башламишай вахт 1999-йис яз гьисабзава. Гьургъуьнлай



бандитрикай ибарат тир, Хаттаб ва Шамил Басаев киле авай яракьлу жергейри Цумада ва Ботлих районрал гужумна. А вахтунда республикадин кьил Мегьамедали Мегьамедов тир, гьадан ва халкьарин кьетливал себеб яз бандитар акъвазар ийиз хъана, - лагъана К.Абасова.

- Бандитри гужум авур сифте йикъара Р.Гь.Абдулатипован председателвилек кваз РД-дихъ галаз рейсад тирвилин Россиядин общественный комитет арадал гъана. Иник чи ватанэгълийрилай гьейри Россиядин политикадин деятелар тир В.Зорин, А.Куликов, Д.Аяцков, А.Волков, Ю. Лужков, А.Поляков ва масабур квай.

А йикъара Р.Абдулатипова федеральный министрди хъиз, ватанпересди хъиз Дагъустандин халкьариз садвилехъ эверунин ва Дагъустан бандитрикай ми хъунин обращение гваз майдандиз экъечна. Са шумуд вацралай Р. Гь.Абдулатипован «Дагестан в час испытания: уроки агрессии и



журьба-журье миллетрикай ибарат тир «Интербригада» тешкилнай. Халкьар вири сад хъана ва Дагъустан законсуз кралал машгъул бандитрикай ми хъи авуна, - кьейдна М.Азаева.

Генерал - майор Ш.Аслановазни гаф гана.

- Дагъустандин халкь ватанперес халкь я. Докъузпара райондикай рахаз кланзава.

кьил Керимхан Абасован ватанпересвилин ругъ ва интернационализм кьейдна ва «Интербригада» тешкилатдин советдин патай адав Ватан хуьнин кардик еке пай кутунай, акьалтзавай несилдиз ватанпересвилин тербия гунай ва «Интербригада» тешкилатдин хатасузвал хкажунин карда иштиракунай юбилейдин медаль вахкана.



подвига» твар алай ктаб чапдай акъатна.

Совещанидал ДГТУ-дин проректор М.Азаевни рахана.

- Гьурметлу докъузпаравияр! Дагъустан патал четин тир йикъар чна инал кье рикел хканва. Бандитри Ботлихдал гужум авур вахтунда зун гъана авай ва майишатдин кьвалахрал машгъул тир. И вакъиайрин юкьва хъайила, бандитри са шумуд хуьр кьунва лагъайла, абур такан хъунин гьиссер арадал атана. Гьа члавуз

Подразделенида и райондай вад кас авай. Мадер Гъаниевич зи подразделенида хъсанбурукай сад тир. Абур чна лап хаталу участокриз ракъурзавай. Чи общественный тешкилатди «Герой народного ополчения» тешкилнава, - лагъана Ш.Асланова.

Гуьгъуьнлай Ш.Асланова Мадер Гъаниевичав «Герой народного ополчения» кьзилдин медаль вахкана. Идалай гьейри, Ш.Асланова Докъузпара райондин

Совещанидал «Интербригада» тешкилатдин советдин председатель Абубакар Къурбанисмаилов ва «Горзакъаз» МКУ-дин директор Мадер Къанберов рахана.

Эхирдай райондин кьил Керимхан Абасова мугъманриз, иштиракчийриз чухсагъул малумарна ва республикада ислягъвални абадвал хъун тлалабна.

Чи мухбир

## Аялрин гьакъиндай къайгъударвал

1-июнь - им виридуьньядин аялрин тереф хуьдай югъ я. И сувар 1949-йисуз Къвед лагъай дуьньядин дяведилай къулухъ, Женеведа къиле фейи конференциядал арадал атанвай. 1950-йисуз сад лагъай сеферда и сувар къейдна ва гьакъни къенин йикъалдини къейдзава. И югъ диде-буба амачир, кесиб аялриз, гьарда вичелай алакьдай куьмек гудай, аялрихъ галаз къугъвана рикъ машгъулардай югъ я. И югъ адет хъанвайвал, чи улкъведа хъиз, Европадани, Азиядани къиле тухузва.

Амма аялар хуьнин югъ

неинки тек аялар патал шад суваринди, гьакъ Россиядин вири аялар бахтлубур хъун, абуру хъсан келун, рикъ алай кардал машгъул хъун, гележегда хъсан диде-бубаяр хкатуна ва ватандиз вафалу ватандашар хъун патал аялрин ихтиярар хуьнин чарасузвал обществодин рикел хкунин югъни я. Аялар хуьнин международный йикъаз талукъ тир махсус пайдахни ава.

Адет яз, аялар хуьнин юкъуз дуьньяда авай мягъкемуз гьаларикай фикир ийизва. Чехибурун тахсирдай ва я

къисметдай яз четин гьалариз аватай аялрин гьакъиндай къайгъударвал авуниз, абуруз алакьдайвал жуьреба-жуьре куьмекар гуниз иллаки къетлен фикир гузва. Гъавилай и сувариз талукъарна тухузвай мярекатрин, гуьруьшрин лозунгар «Чарадан аялар жедайди туш!» хътин гафар хъун герек яз гьисабзава.

Вири аялрин къилел экуь цав хъурай, къуй садни четин гьалара тахъурай!

Вадим АГЪАМУРАДОВ

## Эхиримжи зенгинин шадвилер Усугъчай



Акуна-такуна келунин йис акъалтIна. Школьникри имтигъанар вахгудай йикъарни мукъва хъанва. Гъа и жуьреда выпускника мектебдихъ галаз гьафигъалал жедай югъ алуькна. Адет хъанвайвал и юкъуз улкъведин вири мектебра хъиз, Усугъчайдин юкъван мектебдани эхиримжи зенгинин юкъуз талукъарнавай мярекат къиле тухудайди малум тир.

Сятдин цуд жез мукъва, рекъай тIуз мектеб галай патахъ, цийи либасар алаз, чина шад хъуьруьнин ранг аваз, гъилера цуькверин клунчIар аваз аялар, абурун диде-бубаяр, муаллимар физ рекъе гьатна.

Гъамиша хъиз и сефердани, 25-майдин пакамахъ мектебдин вилик квай ачух гъаятдал мярекат шадвилерин гьалара

къаршиламишна. Мугъманвиле и шад мярекатдал администрациядин къилин заместитель Салигъ ГЪАЖИМУРАДОВ атанвай.

Сифте гаф гъаз 10-класдин ученицаяр Д. Арабова ва А. Латифова майдандал экъечIна, гъа иналди абуру 64-выпускдин шад мярекат ачухна.



Адет хъанвайвал, гаф школадин директор Тажидин Аразоваз ганвай. Ада и шад мярекатдал алай виридаз и югь мубаракна. Выпускникриз чандин сагъвал, хушбахтлу уьмуьр ва гележегда хъсан рехъ хъун тлалабна. Выпускникар имтигъанриз ахъаюн патал къабулнавай къарардикай малумарна.

- Азиз выпускникар, гъуьрметлу диде-бубаяр, муаллимар ва чи суварин мугъманар! Чи уьлкведа кье кьетлен югь я. Ватандин вири школайра агъзурралди выпускникриз эхиримжи зенг жеда. Чи школани

аникай хкатнавач. Килигзава кез ва гъикъван гуьзелятла куьн фикирзава. Куь диде-бубайри ва муаллимри кез килигиз шадвалзава, куьн бахтлу хъана кланзава. Чна вирида чи Ватандин лайихлу гележегдикай хияларзава, ам кьилдин квекай гъар садахъ галаз алакьалу я. Ватан патал жуван зегъмет бахш ая, ам вилик фин патал жуван пайши кутур...

- Куь муаллимар ва школа рикелай алудмир. Къуй чи мурадар кьилиз акъатрай! – кьейдна Т. Аразова.

Ахпа гаф гваз С. Гъажимурадов, классдин руководитель Севиль

**ШАГЪЭМИРОВА**, диде-бубаяр ва маса муаллимар рахана. Чпин рахунра абуру выпускникрин адресдиз хуш кьилихрин гафар лагъана.

Гуьгъуьнлай мярекат выпускникри манияр тамамариз, къуьлер ийиз шад гьалара давам хъхъана.

Гъа и жуьреда эхиримжи зенг ядай вахт алуькна. Зенг ядай ихтияр 11- классдин ученик **Нариман НАВРУЗОВАЗ** ва 1- классдин ученицадиз гана.

**ЧИ КОРР.**

## Каракуьре

Эхиримжи зенгинин сувариз талукь мярекат Каракуьредин мектебдани шад гьалара кьиле фена. Выпускникри ва сад лагъай классдиз кам вегъезвай гъвечли аялри и шад вакъиадиз фадлай газурвилер аквазвай. Ингъе яргъалди вилив хвейи югь алуькна. Циф авай, кьез квай гъавади и шад мярекат мектебдин майдандал тухудай мумкинвал ганач. Гъавилияй мектебдин спортзал виликамаз хъсандаказ члагурна, гъазурнавай. Мярекатдал мектебдин вири

муаллимар, ученикар, райондин администрациядай ва райондин образованидин управленидай атай векилар, выпускникрин диде-бубаяр ва масабур алай.

Выпускникар сифте нубатда мектебдин директор Мидадин Эмирчубанова, гуьгъуьнлай райадминистрациядин векил Эдуард Гъажибегова, райондин УО-дин векил Ржавидин Шагъэмирова, классдин руководитель Эсмер Мирзерагъмова, выпускникрин сад лагъай муаллим Раиса Адилова ва

выпускникрин диде-бубаяр рахана.

Суварин шад мярекатда вири хъана: манияр, къуьлер, хъвер гъидай нумраяр, муаллимриз чухсагъулдин гафар, сада-садаз пишкешар, гъвечли аялриз выпускникрин патай пишкешар...

Ингъе эхиримжи зенгинин ван акъатна. Къуй выпускникрин уьмуьр бахтлуди ва яргъиди хъурай!

**Х.Эмирчубанов,**  
**Каракуьредин СОШ-дин**  
**ИКТ-дин пешекар**

## Къалажух

Эхиримжи зенгинин сувариз талукь мярекатдиз Къалажухрин юкъван мектеб хъсандаказ гъазур хъанвай. Югь циф авайди тиртлани, и йикъан экуьнахъ мектебдин вилик квай майдан кьетлен жуьреда аквазвай. Къуд пад гуьрчег шикилралди, шараралди, эхиримжи зенгинин сувариз талукь тебрикдин кхьинар алай плакатралди члагурнавай.

И мярекат гъар са выпускникдин рикел уьмуьрлух яз аламукъдай кьетлен вакъиа я.

Шад мярекат гъвечли аялриз тарсар гузвай муаллим С. Гуьлнезерова тебрикдин келимайралди ачухна ва мярекат кьиле тухун выпускникрин хиве туна. Адет тирвал, эвелимжи гаф мектебдин директор Ирван

Мусаеваз гана. Ада кьетлен югь кватл хъанвайбуруз мубаракна, выпускникрихъ гележегда агалкъунар хъана кланзавай гафар лагъана.

Мярекатдик Ахцегъ райондай атанвай музыкантрин дестеди, манидар Ш. Микаилова гур кутунвай. Шад теббирдал выпускникриз хуш гафар лугъуналди, экуь гележег тлалабуналди мектебдин завуч Аварбег Эвленов, райондин администрациядин патай атанвай векил Акиф Балакишиев, райондин образованидин управленидин векил М. Крымов рахана. Выпускникрин адресдиз тебрикдин гафар, тлалабунар хейлин муаллимри лагъана.

Рахай вирибуру

выпускникриз вилик квай важиблу имтигъан – ЕГЭ агалкъунралди вахкун, вузрик, сузрик экечлна гележегда хъсан, члехи пешейрин сагъибар хъун, къуллугъчияр хъун, хайи ватандиз ва четин тушир кваллахда 11 йисуз тарсар гайи муаллимриз вафалу хъун тлалабна.

Мярекатдин кьизгъин вахтунда сад лагъай классдиз кам къачунвай аялди 28 выпускник патал эхиримжи зенгинин ван акъудна. Амма им шад мярекататдал нукътла эцигна лагъай члал тушир. Жуьреба-жуьре нумраяр къалуруналди, манияр тамамаруналди, къуьлер авуналди мектебдин ученикри саки вирибуру иштиракна.

**Чи мухбир**

## Цийи-Каракуьре

25- май. Пакам кыляй цав цифери кьунвай серин гьава квайтлани, Цийи –Каракуьредин СОШ, умуми юкьван образованиедин мектебдин гьаят галайвал гуьгьуьлар кьумбар аялри, диде-бубайри камар еримишзавай. Эхиримжи зенгиниз талукьарна гьазурвилер акунвай майдандал ара атлуз, музыкадин алатрин, манийрин ван алай. Шадвилдин мярекат школадин тешкилатчи З.А. Атлуханова ачухна. Ада вичин рахунра и суварин шадвилерик иштиракзавай виридаз, гьар са инсандин уьмуьрда кьетIен, кьисметдин рехъ хкядай мумкинвал гузвай лишанлу Югъ тебрикна, ахпа гаф Цийи – Каракуьредин СОШ-дин директор П. Г. Рамазановаз гана. Ада чIехи алхишдин келимайрилай гуьгьуьниз, 24- приказдин бинедаллаз акьуднавай, 9 ва 11-классрин аялар гьукуматдин имтигьанар вахкуниз

ачухнавайбурун сиягь кIелна. Аник 14 аял 9-класс кьутягьнавайбурун, 13 аялни выпускникар квай. Гьа са вахтунда директорди тIвар кьунвай мектебдин общественный уьмуьрда тафаватлу хьайи ва кIелунра хьсан нетижаяр кьазанмишай аялрив Гьуьрметдин грамотаяр, тарифдин чарар вахкана. Выпускникринарадай тир Атлуханова Рамидадин чирвилер гимидин медаль гуниз лайихлу тирди кьейдна. Ада еке хушвилелди Лукьманова Эмилиядин, Агьабекова Айишатаган, Исмаилова Лианадин ва масабурун тIварарни кьуна. Мярекатдиз иштиракиз атанвай райадминистрациядин кьил А.М. Алискерова, образованиедин управленидин векил З.Ж. Аликуьлиева, «Цийи Каракуьре» муниципальный тешкилатдин кьилин заместитель Г.М. Парванаева, СДК-дин директор З.С. Алисултанова, завуч М. Ш.

Сулеймановади ва масабурну выпускникрин адресдиз хуш ва чими келимаяр лагьана, абур рикIин сидкьидай тебрикна: «Квез бахтар галай хуш сефер хьуй!» мярекатдин художественный паона 8- классдин ученица Шихкеримова Багьаханума еке устадвилелди ва урус чIалалди «Зи умудар» мани тамарна. Ахпа дем зарбуна гьатна. Муаллимри, выпускникри, мектебдин аялри цIелхем квай кьуьлер авуна, манияр тамарна. Выпускникрин межлис яргьалди давам хьана...

Мадни малум тирвал, 2017-2018 –лагьай цийи кIелунин йисуз 25 аялди сифте яз партайрихъ чка кьада. Кьве классикай ибарат жедай абуруз Зикиева Эфрива ва Зербалиева Сабринади сифтегьан чирвилер ва тербия гуда.

Шагьбала ШАГЬБАЛАЕВ

## Ветерандиз сувар тебрикна

Докьузпара райондин УСЗН-дин начальник Эсед Арабова ва инин кьилин бухгалтер Абдулгалим Абдулгалимова Кьалажух хуьре яшамин жезвай Ватандин Чехи дяведин иштиракчи Саргьат Саргьатовал кьил чIугуна. Абуру ветерандиз Гьалибвилдин сувар тебрикна, чандин сагьвал тIалабна ва управленидин патай савкьатар гана.

С.Саргьатов 95 йисан яшда ава, ветерандин япариз ван саки хквезмач. Адан хва Бекер Саргьатова ихтилатзавайвал, вичин буба 18 йисан яшда аваз дяведин майдандиз фена. Харьковда адал сад лагьай хер хьана. Гуьгьуьнлай мадни пуд сеферда хер хьхьана. Госпиталрай жегьил сержант мад вичин частуниз хьфиз хьана. Ада Украинадин, Белоруссиядин, Кьиблепатан фронтра хьайи ягьунра зенитчик, пулеметчик ва танкист яз иштиракна. Адан женгинин лайихлувилер Ватандин Чехи дяведин I дережадин, Яру Гьетрен, «Жуьрэтлувилай»,



«Женгинин лайихлувилерай», «1941-1945-йисара Ватандин Чехи дяведа Германиядин винел гьалибвал кьачунай» орденралди ва медалралди кьейднава.

Ветерандин мукьва-кьилийри чпин патай УСЗН-дин

руководстводиз кьил чIугунай, фикир гунай сагьрай лагьана.

Куругьли ФЕРЗАЛИЕВ

## Нубатдин гъалибвал

Вичин ери-бине Докъузпара райондин Каракуьре хуьрай тир спортсмен Артур Алискерова Россиядин ФССП-дин (Федеральная служба судебных приставов) текба-текдиз женг тухунин жуьрейрай 2017-йисан чемпионатда 90 кг-дилай виниз заланвал авайбурун арада 1-чка къуна.


Твар къунвай чемпионат алай йисан 21-апрелдиз Московский областдин Химки шегьерда къиле фена. Акъажунра уьлкведин вири федеральный округрай 120 спортсменди иштиракна. Артур Алискерова чемпионатдин сергьятра пуд женг тухвана ва вири женгера гъалибвал къазанмишна.

ФССП-дин директор, РФ-дин къилин судебный пристав Д.В.Аристов спортмендив талукъ грамота вахкана.

Рикел хкин, А.Алискеров самооборонадай «Микс-комбат» Россиядин чемпионвилдин чулуни сагьиб, ММА-дай дуьньядин чемпионатдин гъалибчи я.



## Европадин чемпион



Мукъвара Сербиядин Нови Сад шегьерда «GI» жуьредай къиле феи Европадин чемпионатда Докъузпара райондин Усугъчай хуьрай тир Абдуьза Садилова 86 кг-дал къван заланвал авай спортсменрин арада къизилдин медаль къачуна. Европадин чемпионвилдин твар къачур финалдин бягъс чи ватанэгьлиди Россиядин ватандаш тир Арсений Султановахъ галаз къиле тухвана. Къейд ийин, Европадин дережада къиле феи чемпионатда гъалибвал къазанмишуни спортсмендин

алакъунарни вердишвилер субутзава.

А.Садилов 1993-йисуз Усугъчай хуьре дидедиз хъана. Гъвечли члавалай спортдин аздаказ къуршахар къунин жуьредал машгъл хъана. Инлай виликни ада аздаказ къуршахар къунай ва грэплингдай уьлкведин, республикадин жуьреба-жуьре акъажунра, чемпионатра са шумуд сеферда гъалибвилер ва приздин чкаяр къазанмишна.

Куругъли **ФЕРЗАЛИЕВ**

Шагъбала **ШАГЪБАЛАЕВ**

\*\*\*

Виклегъ лезги дустагъдава,  
Я туштга – сура.  
Къери жезва чи багъдавай  
Емишрин тарар.  
Эцигнава теклифриз чи,  
Гафуниз – сергьят.  
Агалтзава зайиф тир ни  
Чи руьгъдихъ баят.  
Чавай гатфар къакъуднава,  
Гъукумдарри куьт.  
Лезги чилихъ акъудзава  
Яшайишдин къуьд.  
МуркIадилай булур жезва,  
Гъакъикъат, аку!  
РикI цIразва, чи вил шезва,  
Цакъзава - якIу.

\*\*\*

Вучиз чун чириз алахъзава  
ЗатIарин ери?  
Дуьньяда ахтын затIар ава,  
Авачир ерли...

## К сведению ветеранам ВОВ, труда и инвалидам 1, 2, 3 группы!

Законодательством РФ предусмотрены индивидуальные льготы для граждан, относящихся к определенным категориям. На данные категории распространяется скидка в размере 50% с начислений на ЖКУ. В оформлении индивидуальной льготы вам может помочь МФЦ «Мои документы». Для этого заявителю необходимо

предоставить следующий перечень документов:

1. паспорт;
2. документ льготника;
3. справка о составе семьи;
4. документ, подтверждающий общую жилую площадь (таким могут служить: домовая книга, свидетельство о гос регистрации права, тех паспорт, поквартирная

карточка);

5. платежи за жилое помещение и коммунальные услуги за последний месяц;

6. банковские реквизиты.

Более подробную информацию вы можете получить по следующему номеру Call-центра: +7 938 777-82-56.

## Единая система идентификации и аутентификации (ЕСИА)

Уважаемые жители Докузпаринского района! Сообщаем Вам, что сегодня вы можете получить государственные и муниципальные услуги, не выходя из дома, через ваш компьютер, планшет или смартфон, зарегистрировавшись на портале «Госуслуг». Через портал

«Госуслуг» вы можете узнать о наличии налоговой задолженности, получить паспорт гражданина РФ, оплатить судебную задолженность, проверить и оплатить штрафы ГИБДД, получить загранпаспорт, записаться на прием к врачу, записать ребенка в детский сад, получить и потратить материнский

капитал, узнать о пенсионных накоплениях, записать ребенка в школу и многое другое. Регистрацию на портале «Госуслуг» вы можете обратившись в МФЦ по Докузпаринскому району в с.Усухчай. Вам нужно иметь при себе паспорт. Наш номер Call-центр: +7 938 777-82-56.

## В МФЦ можно вернуть часть суммы при покупке объекта недвижимости

Налоговый имущественный вычет – это сумма, уменьшающая размер дохода с которого взимается налог. Заработная плата, которую получает человек, является лишь 87% от того, что он реально заработал. То есть, 13% из общей суммы работодатель уплачивает за своего сотрудника в качестве налога на доходы физических лиц. Как раз эту сумму в 13% гражданин имеет право вернуть в определенных случаях. В частности, при покупке объекта недвижимости.

В случае, если человек купил недвижимость стоимостью в 2 млн.

рублей, то он может претендовать на возвращение ему лишь 260 тысяч рублей, но не более той суммы, которую он успел уплатить в качестве подоходного налога.

В центрах «Мои Документы» предусмотрена услуга, которая позволяет провести операцию по имущественному вычету. Для того, чтобы оформить услугу, вам необходимо обратиться в МФЦ со следующими документами:

1. Паспорт
2. Справка 2 - НДФЛ (за соответствующий год)
3. Правоустанавливающие

документы на недвижимость:

4. Чек об оплате стоимости объекта недвижимости.

Стоит отметить, что имущественный вычет можно провести на приобретение объекта недвижимости или земельных участков, при погашении по целевым займам или при погашении процентов по кредитам, полученным в российских банках.

Более подробную информацию по услуге вы можете узнать в МФЦ позвонив по номеру Call-центра: +7 938 777-82-56.

## Платить за коммунальные услуги через терминалы МФЦ – быстро, удобно и надежно

С помощью терминалов, расположенных в МФЦ, можно за считанные минуты провести оплату за газ, свет, мусор и другие коммунальные услуги. Вы можете это сделать самостоятельно или с помощью специалиста центра. Принцип операции прост:

- Выбираете из перечня нужный пункт оплаты;
- Набираете во всплывшем окне номер лицевого счета;
- Вводите показания счетчика
- Вносите сумму задолженности, нажимаете кнопку «Оплатить».

Кроме коммунальных услуг, через терминалы можно оплатить все виды налогов, штрафы ГИБДД, госпошлины и ряд других платежей. Более подробную информацию можно узнать по номеру нашего Call-центра: +7 938 777-82-56.

## Военный прокурор разъясняет

«10 февраля 2017 г. в 315 судье судебного участка военной прокуратуре в Кировского района отношении одного из самых крупных рыбодобывающих предприятий возбуждено дело об административном правонарушении, предусмотренном ч. 1 ст. 19.28 КоАП РФ, по факту дачи взятки гражданином С. в виде денег должностному лицу А, в размере 75000 рублей, для сокрытия нарушений, допущенных в ходе промысла рыбы на рыбопромысловом участке.

13 марта 2017 г. мировым

г. Махачкалы Республики Дагестан вынесено постановление о признании юридического лица виновным в совершении административного правонарушения, и оно подвергнуто административному наказанию в виде административного штрафа в размере 500000 (пятьсот тысяч) рублей.»

**А. ЛУЧКО, Военный прокурор 315 военной прокуратуры гарнизона.**

Халкъдин яшайишдин гьалар клевара ва дарда твазвай, абурун игьтияжриз дюзгувилелди килиг тийизвай, закондин истемипунриз яб тагана чпин кваллахар ва кьуллугь идара ийизвай гьакимар гьукуматдин аппаратда гьеле кьери туш. Эгер са гьихьтин ятлани идарада куьн кимивилерал расалмиш жез, абуру пулар тлалабиз хьайитла, чаз газетдин работникриз хабар це. Чун куь тереф хуьн патал гьар са дьушуйшда кьаришмиш жедва ва чуру кваллахриз рехь тагунин карда гьахьвили даяхар яз акьвазда. И мураддалди чна, вири уьлкведа хьиз, “горячая линия” кардик кутазва. Тлалабзава чаз чарар кхьин (кьуларни чугуна).

**Чи редакция Тел: (8 269) 2-23-45**

## «ГОЛОС ЭРЕНЛАРА»

2001-йисан  
ноябрдилай акьатзава

**Тешиклайди:**  
Докъузпара райондин  
администрация,  
Дагъустан Республика

**Учредитель:**  
Администрация Докъузпаринского  
района, Республика Дагестан

**Кьилин редактор:**  
Э.А.ГЪАЖИБЕКОВ

**Жавабдар секретарь:**  
А.Э. ЭМИРСУЛТАНОВ

**Хусуи корреспондентар:**  
Ш.О. ШАГЪБАЛАЕВ  
К.Н.ФЕРЗАЛИЕВ  
В.С.АГЪАМУРАДОВ  
З.Э. МЕДЖИДОВА

**Корректор:**  
Ш. ШАГЪБАЛАЕВ

**Верстка авурди:**  
А.Э. ЭМИРСУЛТАНОВ

**Чандиз вахкай вахт:** 14:00  
**Чапзавай вахт** - 17:00

**Тираж 1200**

*Редакциядинни макъалайрин авторрин фикирар сад тахьун мумкин я. Макъалайрин делилрин дюзвилини патахъай жаваб авторри чни гуда. Макъалайриз рецензия гувач ва абур элкьевна вахкувач. Мадни, чини макъалайра дегисвилер тунал, кьилер дегисарунал рази тушир мухбиривай чна абур редакциядиз ракъур тавун тлалабзава.*

*Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан*

**Регистрационный номер ПИ №ТУ5 - 00256 от 14 июня 2013 г.**

**Редакциядин, издательстводин ва типографиядин адрес:**

368750, Докъузпара район, Усугъчай хуьр,  
тел.8 (8269) 22-345  
e-mail: [erenlar2001@mail.ru](mailto:erenlar2001@mail.ru)  
Наш сайт: [www.erenlar.ru](http://www.erenlar.ru)